



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

10. Tandem testimonio Bernonis Mon. S. Galli, posteà Abbatis Augiensis.

urn:nbn:de:hbz:466:1-38277

hujusmodi damnationi necessariò acquievisse, adeò ut dubitari amplius non potuerit, teste etiam Gallicanâ Ecclesiâ in litteris ad Innocentium X. constat, inquam, Pontificis auctoritatem in rebus fidei decidendis infallibilem esse, omnisque erroris expertem, & quæ contra hanc sequelam obijci possent, jam suprà refutavimus. Sic ergo etiam quartum signum Infallibilitatis Pontificie absolvimus.

X. *Quatum signum est, ex praxi Romanæ Ecclesiæ, cuius mentionem Berno (a) Monachus S. Galli, & postea Abbas Augiensis lib. 2, de rebus ad missam spectantibus, qui habetur in Bibliotheca Patrum. Is refert, in Ecclesiæ Romana multos annos sub sacrum nunquam Symbolum cantari solitus, præter morem omnium aliarum Ecclesiarum; roganti verò causam Henrico primo Imperatori, Benedictum VIII. respondisse: quia traditio erat, Romanam Ecclesiam in fide errare non posse. Sed Henricus Benedicto persuasit, ut more aliarum Ecclesiarum etiam Roma Symbolum caneretur.* Hæc Berno, qui ut ipse testatur, coram assiduebat, audivitque responsum: *Me, inquit, coram assidente audi vi Pontificem hujusmodi responsum reddentem, videlicet, quod Romanæ Ecclesia non fuisset aliquando ullæ heresies infecta, sed secundum S. Petri doctrinam in soliditate Catholicae fidei permaneret in concusa;* & ideo magis necessarium esse illös Symbolum sapienter frequentare, qui aliquando ullæ heresi potuerunt maculari. Vides in hoc celebri Antiquitatis monumento, quā antiqua fuerit traditio de Romani Pontificis infallibilitate, videlicet à Christi nativitate, sive potius à tempore Apostolorum usque ad annum circiter 1014. quo credimus hoc colloquium inter Benedictum & Henricum contigisse, dum Romæ essent.

Dices, non hic asseri Romanorum Pontificum, sed Romanæ Ecclesiæ infallibilitatem.

Resp. Si particularis Romanorum Ecclesia errare non potest, multò magis errare non possunt Romani Pontifices; promissiones enim Christi ad Petrum ejusque successores, non ad Ecclesiam, quæ Romæ est, referuntur; néque enim Christus dixit, se fundatum Ecclesiam suam supra Romanorum Ecclesiam, sed supra Petrum: néque Christus pro Roma rogavit, ne ejus fides deficeret, sed pro Petro; cur ergo privilegium Petro adimis, quod Christus Petro dedit? & cur Romanæ Urbi confers, quod Christus Romæ non contulit?

(a) Obiit Berno Anno 1049. si Trithemio fides est.

contulit? & quo fundamento Romæ potius quam Petro, Petrique successoribus? Fac Petrum non Romæ, sed Alexandriæ aut Antiochiae mortem obijisse; quæro an tunc quoque Romanorum Ecclesia ab omni hæresi immunis futura esset? si immunis, quam ob causam illa potius, quam aliae Ecclesiae particulares? si non Romana, sed Antiochenæ, ubi Petrus obierat, suique successores reliquerat; ergo infallibilitas & immunitas ab omni errore intuitu Petri & successorum à Christo Ecclesia concessa est; prius ergo magisque infallibilis Petrus, ejusque successores, quam ipsa Ecclesia, cui Petrus præsedidit; & planè cùm DEUS omnia sua viter & accommodate ad rerum naturas operetur, adeò ut potentiam visivam v. g. oculo, non pedi infuderit, quia oculus magis dispositus est ad videndum, magisque oculo, quam pedi videre convenit; quis credat DEUM, qui Romanum Pontificem caput & Magistrum Ecclesiae Romanæ constituit, illum magis errori obnoxium esse voluisse, quam Ecclesiam; cùm utique magis conveniat Caput & Magistrum, quam membra & discipulos errorum immunes esse, & quid rogo magis rationi adversum, quam velle, ut erret; qui docet, non erret, qui discit? imò tam fieri non potest, ut errante Magistro non erret discipulus, quam ut ductore errante non erret quoque qui sequitur, quémque is manu ducit: verbo, non est discipulus super Magistrum, sed sufficiet, ut sufficiat Magister, teste ipso Christo Dominino Nostro. Quamquam nec illis argumentis opus est, cùm ex

Patrum testimonij suprà citatis satis supérque constet, quid de Infallibilitate Pontificis Romani Ecclesia semper fenserit.



§. II.